



www.BibleForChildren.org



San Juan 14



Leska' bne Jesúsen': —Bi gakklejjla'llre, legonlira'll Dios,
na' leska' legonlira'll nada'. Da zan yo' lla'a gan' zo Xa'
Diosen'. Chenak bi naken ka', bi golla' re' ka'. Na' nna'
yeya'a, na' lljayencha'wa' yo' ke keré. Na' kat yeyoll
lljayencha'wa' yo' keré ka', kana' yeda' da yobre yechia'
re', nench yedzore
gan' lljaoa'
nada'.



Nada' Juan, ni ke dan' nona' txhen Cristo na', naka'
re' txhen llonllo kan' ne Jesús na', na' llnebia'
Diosen' lli'o, toze ka llone be'nn ka' lli'o,

llsa'kzi' ake' lli'o ni ke xti'lle'
na', na' llakrén



Jesucriston' lli'o
nench llakllo war bi
da llak kello.



Na' dan' ba bia'a xti'll Diosen' ren dan' ba bia'a da li
ke Jesucriston', ke len na' be'x ake' nada' yoa'
rill ya gan' re Patmos, gan' nak to yellrio

da Ili' lo nisda'o.




Na'll le bente Spíritu ke Diosen' bre'da'ora' yebá gan'
Ilia be'nnen' lnebie'.




Na' lekze benra' yeolol be'nn zjalla'a yebán', na' yellrio
ni, na' be'nn zjalla'a xhanre yellrio, na' be'nn zjalla'a lo
nisda'o, lloe' ake' di'll ne ake':

Lloe'raoto' Dios be'nnen' Ilia
lnebia'n, na' be'nnen' nake ka
xhi'r da'o, nape' yel bara'nn, na'
nake' be'nn za'ke. Na' nape'
yel wak xhen
kwis nna',
ren ke chnare.



Nada' Juan bre'ra' yell ke Diosen', Jerusalén kobe dan' Ili' yebán' gan' zo Diosen', betjen rao yellrio. Nonen nbaraz ka ke to no're ba bayone' nbaraz wchayne'e. Na' do gan' Iliá Dios na', benra' bnne to be'nn zillje, ne'e: —Wiacheke, ba betj Diosen' zorene' be'nnach, na' sorenteze' leake', le breje' leake' nench nak ake' yell ke'e.



Na'll broe' anglen' nada' yeo gan' yolle nis da lloe'
be'nnachen' yel nban zejlikane. Nisen' naken ka yej kes
le nyan kwis. Na' ll-llojen gan' llia Dios na', ren
Jesucristo be'nnen' za'krebe' ka xhi'r da'o.



Be'nn ka' Ila'a yellen', bibi will bibi be'o yallj akre'
wseni'n yellen', le beni' dan' nechj Dios na', Ilsenin' ke
ake' rente beni' da nsa'a be'nnen' nak ka xhi'r da'o.




Yell na' kbat gak cho' be'nn llon da zban. Bi gak cho' be'nne llon biteze da llwie Dios, na' be'nne lloe' di'll wenra'lle. Zeraoze be'nne ka' nyoj ra ake'n le' yich ke Jesucriston', be'nnen' nak ka xhi'r da'o, na' nyoj ra ake' ga't yel nban ke ake' ke chnare, leakze'n gak cho' ake'.




Dios na' gone' bibi gak ke
ake' da soya'ch ake', da
kwellrén ake', nollno gat,
nollno chey la, le ba bde
ke yeolol da ka' go't yellrio
nellen'.




Na' billbi da xhinnj ga't da llwie Dios, na' yel llnebia' ke Diosen' ren ke Jesucristo, be'nnen' nak ka xhi'r da'o so ake' yellen'. Na' be'nn ka' bxenra'll Le'en we'rao ake' Le'e. Na' re'e akre' Xanllo Diosen', na' yoj re'en roxhga ake'.



Na' bre'ra' be'nn ba got, be'nn gore be'nn xkwi'de, na' no bda'o, zjazellá ake' rao Diosen'. Na'll bse's Diosen' yich ka' dan' nyoj yeolol da ben totoe'. Bayoll na' bse'se yich gan' nyoj ra be'nn ka' de yel nban zejlikane ke. Na'll bene' yel koxchis ke ake' kon ka ben ake', chak bzo ake' yellrio, le yeolol da ben ake' na', nyojen le' yich. Yeolol be'nn bi bzoa xti'll Diosen', yeolol be'nn bi nyoj ra ake' gan' nyoj ra be'nn, de yel nban zejlikane ke ake', bza'l Diosen' leake' lo yi' na'.



Na' Spíritu ke Diosen', na' leska' Ili'o nxenra'll-Ilo
Jesúsen', llelloe': —Le yobte yedo'. Na' be'nnen' llenen',
nne'e: —Dachga. Na' be'nnen' llbilra'lle', yedchgue', na'
noteze be'nn lle'nre', ye'jchgue' nis dan' lloe' yel nban
zejlikane, na' bibi sa'kren.



'Ka'n nllie' Diosen' Ili'o be'nnach,
na'llen' bse'le' Xhi'nne' ti'chen' nench
noteze be'nne gonlira'lle Le'e bi
kwiayie', na' ga't yel nban
zejlikane ke'e.



Romanos 3:23

Le yeololtellon' ba benllo da xhinnje, na' ba nbi'yillo
rao yel wasrá ke Diosen'.

Romanos 6:23

Le yel goten' gonllo gan cha' llonllo da xhinnjen', zan cha'
lli'o nakllo txhen Xanllo Jesucriston', Diosen' da
gonnze' yel nban zejlikane kello.

Hebreos 9:27

Kan' ba bdixj Diosen' len ke be'nnachen', tozen' gate',
na'll te na' nne Diosen' ke totoe' cha' sa'kzi'e o
cha' yezie' banez.



Efesios 2:8,9

Dan' nllie' Diosen' Ili'o, benne' yel wasrá kello, kan' benlira'll-Ilo Cristo na', na' kere basre'e Ili'o nnello benllo da wen na', zan naken to da gokrene' Ili'o. Na' Diosen' basre'e Ili'o kere ni ke bi da wen benllo, ke len na' notno llaya'l gonxhen kwine'.

Romanos 10:9,10

Cha' we'reno' be'nne di'll ye akoe' llonlira'llo' Jesucriston', na' cha' do lo yichjra'llda'o llejle'o Dios na'n basbán Jesucriston' radj be'nn wat ka', na'llen' yera'o. Le lo ra'llda'ollon' llejle'llo, na'llen' llayakllo be'nn wen rao Dios, na' kone lloa'llo na', lloe'llo di'll ba llonlira'll-Ilo Criston', na'llen' llasre'e Ili'o.



San Juan 3:16,17

'Ka'n nllie' Diosen' Ili'o be'nnach, na'llen' bse'le' Xhi'nne' ti'chen' nench noteze be'nne gonlira'lle Le'e bi kwiayie', na' ga't yel nban zejlikane ke'e. Diosen' bi bse'le' Xhi'nne'n yellrio ni, nench gone' da wsa'kzi' be'nnach, zan bse'le' Le'e nench yesre'e leake' rao da xhinnj ke ake'n.

1 San Juan 5:11-13

Xti'll Dios na'n lizejnie' Ili'o wa't yel nban zejlikane ke be'nnachen' cha' gonlira'll ake' Xhi'nne' Jesucriston'. Kin' naken cha' Ili'o llonlira'll-llo Jesucriston', dekze yel nban zejlikane kello. Na' cha' bi llonlira'll-lloe', bibi yel nban zejlikane de kello. Lzoja' re' di'll ki, re' llejle're Jesucriston' nake' Xhi'nn Diosen', nench nnézere de yel nban zejlikane keré.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zapotec Yalalag NT (zpu) © 2000, Wycliffe Bible
Translators, Inc. All rights reserved.

<https://live.bible.is/bible/ZPUTBL/MAT/1>

©2026 Bible for Children, Inc.

www.M1914.org

www.bibleforchildren.org

